

V 9  
1390



2013<sup>o</sup>

Q. h



Q.K. 209, 6



75. 1. 20



30



Abschied/  
Der gesandten Aug-  
spurgischer Confession / zum Col-  
loquio inn Wormbs / welche so  
lang allda verharret / biß die  
Widersacher nicht haben  
weyter darinn Pro-  
cedirn wöllen /

ANNO

M. D. LVII.



STREIT

GE. BILMANN

VERLEHREND

VERLEHREND

VERLEHREND

VERLEHREND

VERLEHREND

VERLEHREND

VERLEHREND

M. D. LXXXV

VERLEHREND

VERLEHREND

VERLEHREND

VERLEHREND

VERLEHREND

VERLEHREND

VERLEHREND



**Abschied der gesand-**  
**ten Augspurgischer Confession**  
**zum Colloquio in Worms / welche**  
**so lang da geblieben sind / biß die**  
**Widersacher nicht haben**  
**weyter darinn proce-**  
**dirt wöllen / Anno**  
**M. D. LVII.**



**GE**wol viel  
mehr zu wunschenn /  
das mit der zeyt Gottföchtige  
vnd Gelehre Menner / inn zims  
licher anzal / auß den fürnemen Kirchen / welche reyne  
Christliche Lehre bekennen / vnter sich selb ein Christliche  
freundliche vnterrede / one haß / one Sophisterey / vnd  
trewlich hielten / von etlichen sachen / welche Erklerung  
bedürffen / Denn das man solche Colloquia mit den  
Widersachern fürnimbt / inn welchen sie zum scheyn /  
A 14 als

als hetten sie inn allen sachen recht / auch öffentliche lügen vñnd Abgötterey verteydigen wollen / Gleychwol dieweyl die hochlöblichen Keychs stende one zweyffel auß guter meynung / ein Colloquium beyder theyl and gestellet / haben wir es an vnns nicht wollen mangeln lassen / besonder dieweyl gegen Gelehiten sich gebürt grund vnserer Lehr anzuzeygen / vñnd bekantnuß zu thun / Haben der wegen inn guter hoffnung das Colloquium helfen ansahen / vñnd warhafftiglich vñnd sittiglich von den Artickeln / so vil erstlich fürgenomen sind / vnser antwort geben / Haben auch nicht vrsach gesucht / das fürgenommen Colloquium zu verhindern oder zu zerstören.

Aber vnser Widersacher haben mit geschwindigkeyt ein trennung vnter vnns gesucht / das sie ein schein hetten / das Colloquium abzuschneyden.

Dieweyl sie dann öffentlich zuuerstehn geben / das sie in disem Colloquio nit wolten fortschreyten / so wir doch allezeit darauff gedungen / das es solt volzogen werden / Haben wir entlich ein Schrifft vbergeben / vñnd sind hernach abgereyset / In welcher Schrifft wir zeugnis gelassen / das wir / die wir bey dem Colloquio verharret / inn der Lehr vnser Confession eintrechtig sind / Vñnd sind nemlich dise wort gesetzt / das wir durch Gottes gnady bestendiglich bleyben bey der Propheten vñnd Aposteln Schrifften / vñnd bey den Symbolis / vñnd nicht weyichen / noch inn künfftig weyichen wollen / von vnser Confessio vñnd Bekantnuß / so zu Augspurg / Anno

1530

1530. vberantwortt ist / das wir auch dieselbige  
Lehr gemelter Confessio nicht endern / noch zu endern  
gedencken / Vnnd das wir alle Lehr / welche der selbigen  
Confessio widerwertig sind / verwerffen.

Dises haben wir nötig geacht anzuseygen / das man  
nicht von vns felschlich auf gebe / als wolten wir neue  
zwitteracht vnnnd spaltungen anrichten.

Eben auß diser vsach / thun wir guter meynung  
kündt allen vnnsern Kirchen / das wir alle / so viel vnser  
hieblieben sind zuuolführung des Colloquii / mit hertzen  
wunschen vnnnd begern / das vnser Kirchen allenthal  
ben fried vnnnd ruhe haben / vnd inn Gott / eins sindt /  
vnnnd das warhafftige anruffung Gottes bey vns nicht  
durch einige zwitteracht gehindert werde / vnnnd das vn  
sere Kirchen / die inn vnser Christlichen Confession sindt  
in vilen Landen / die gewislich die warhafftige Gottes  
Kirche sind / nicht zerrissen werden / welche mit bekanta  
nuß / anruffung / vnnnd herzlichem freundschaft gegen  
einander einig sein sollen.

Vnnd bezeugen hiemit / das wir bestendiglich bleya  
ben bey der Propheten vnnnd Aposteln schrifften / vnd bey  
den Symbolis / vnnnd das wir nicht weychen / auch nicht  
gedencken zu weichen von vnser Confession zu Augspurg  
Anno 1530. vberantwortt / das wir auch gemelter Con  
fessio lehre nicht endern / noch endern wollen / vnnnd das  
wir alle Lehr / welche derselbigen Confessio widerwertig  
sind verwerffen.

21 1530

Wir bezeugen auch/das vnter vns/die wir jetzunde  
hie sind/in der Lehre vnser Confessio keyn zwispalt ist.  
Dise vnser Einigkeyt/thun wir offentlich jederman kund/  
damit inn vnsern Kirchen / nicht durch vnwarhafftige  
bericht / vnruhe erregt werde.

Wir bitten aber vnsern **HERRN** Ihesum Chris-  
tum den Son Gottes/das er die Wunden der Kirchen  
selb heylen wolle/wie er sich dann fürbildet im Samaris-  
ter/der des armen Mans/welchen die Mörder verwunt  
hatten / trower Arzet gewesen ist.

Wir bitten auch alle Menschen/das sie die Wunden  
der Kirchen nicht grösser machen wollen durch falsche  
deutunge / vnd vnnotige gezentze. Es sind allezeyt  
gewesen / vnd sind noch / vnd werden für vnd für sein/  
etlicher Leut schwachheyt vnd fehle/ Wenn sich nun die  
selbigen weysen lassen / soll man sie nicht / als Seynde /  
würgen / Sondern man soll vnterschied halten zwischen  
Burgern vnd Feinden / Zwischen Gottfürchtigen / die  
vnterweysung annemen/vnd halstarrigen verächtern /  
vnd soll gelindigkeyt erzeygt werden gegen disen/welche  
gütiger vnd Christlicher Vnterweysung nicht mutwils-  
liglich widerstreben. Vnd inn Summa/ Wir sollen  
die ernstliche Gottes Gebot vor Augen haben/welche  
gebieten / das man die Kirchen nicht mit vnnotigem ge-  
zentz zerstören wolle/Wie auch im Propheten Zacharia/  
Cap. 9. geschrieben ist/ Ir solt Warheyt vnd Friden lies-  
ben/ Das ist / erhaltet Keynigkeyt der Lehr vnd anruf-  
fung / vnd vnter euch Friden vnd Einigkeyt/damit die  
anrufung

anrufung nicht durch zweyffel geschwecht / oder ganz  
aufgelescht werde. Auch lasset vns der armen Kirchen  
schonen / die besonder inn disem Schwachen thörichtem  
alter der Welt / inn sehr grosser angst / vnnnd inn grossen  
Schmerzen ist / inn allen Landen / auß sehr vil grossen  
schrecklichen vrsachen / die vernünfftigen Leuten nicht  
vnbekant sind.

Dises sind wir / die wir hie beysammen sindt / zuthun  
( durch Gottes gnad ) willig / Vnnnd vnterwerffen vns  
dem Vrteyl der Gelehrten vnd Gottfürchtigen inn  
vnnsern Kirchen. Datum zu Worms /  
am ersten tag Decembris / 1527

1 5 5 7.


Philippus Melanthon.  
Johannes Bientius.  
Mattheus Zulberus Doctor.  
Johannes Marbachius Doctor.  
Joannes Pistorius Tiddanus.  
Jacobus Andree Doctor.  
Georgius Kargius.  
Michael Dillerus.  
Jacobus Rungius.  
Paulus Eberus.

Faint, illegible text at the top of the page, possibly bleed-through from the reverse side.

Second block of faint, illegible text, appearing as a list or series of entries.

Third block of faint, illegible text, possibly a list of names or titles.






Zg. 1390 Gk

N.C

X 22059 32







Abschied/  
Der gesandten Aug-  
spurgischer Confession / zum Col-  
loquio inn Wormbs / welche so  
lang allda verharret / biß die  
Widersacher nicht haben  
weyter darinn Pro-  
cedirn wollen /

ANNO

M. D. LVII.

